



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Basilea Sepulta Retecta Continuata. Hoc est: Tam Urbis
quàm Agri Basileensis Monumenta Sepulchralia,
Templorum Omnium, Curiae, Academiae, Aliarumque
Aedium Publicarum Latinae Et Germanicae ...**

Groß, Johann Georg

Basileae, 1661

Appendix In Scriptionum Exoticarum Selectiss.

urn:nbn:de:hbz:466:1-13049

A P P E N D I X
I N S C R I P T I O N U M
E X O T I C A R U M
S E L E C T I S S .

Lutetiæ in aula Cardinalis Richelii, inter alia memorabilia,
variæ quoque Regum, Reginarum, Principumque
Effigies una cum Elogiis.

Sub Effigie HENR. IV. Gall. Regis.

HENRICUS IV. Galliam ab Hispanis & Perduellibus usurpa-
tam, Galliæ sibi que, dextra & ferro restituit. Phoenix exquisitis ingentium virtutum odo-
ribus immortalis, & è cineribus dato successore, rediivus unus omnium admiranda in-
choare potuit, unum, qui inchoata consumaret, reliquit.

Sub Uxoris Mariae Mediceæ.

MARIA MEDICES, Henrici Magni quondam uxor, Trium poten-
tissimorum orbis Regum Mater & Socrus.

Sub Effigie Ludovici XIII. Gall. Reg.

LUDOVICVS XIII. Iustus, Pius, Fœlix, terra marique victor, Europæ arbiter, con-
sumpta sectaria rebellionis excetra, domitis perduellibus, amplificato Imperio, summotis
ultra Rhenum & Padum Franciæ hostibus, defensis sociis, retexta aulicarum factionum,
quæ turbas in Regno ciebant, tela duo, ad cumulam gloriæ in cogitatione prima, in opere
ultima Christiani orbis pacem & populi ce. amentum quæ speramus, respirat.

Sub Effigie Reginae Ludovici XIII. Uxoris,

ANNA Franciæ & Navarræ Regina, Regis Filia, Neptis & Vxor, mater quoque fu-
tura, si Deus Gallorum vota precesque audiverit.

Sub Effigie Cardinalis Richelii.

Tot exantlatis, quos universus orbis audit laboribus, hoc unum præstitisse sibi visus
est, quod summa rerum à Domino suo sibi concredita, tanti Regis mentem ingenio asse-
cutus secundante cœlo, forti animo feliciter executus est.

*Grandia qui tot facta vides, tollatur Imago,
Dicet: hac non sunt unius acta viri.*

Roma

*Roma, in templo Mariae rotunda olim
Pantheon appell. ad dextram.*
URBANUS VIII. Pont. Max.

Vetustas aheni lacunarum
reliquias,
In vaticanas columnas &
Bellica tormenta conflagavit,
ut decora inutilia,
& ipsi prope famæ ignota,
fierent
In vaticano templo
Apostolici sepulchri ornamenta,
in Hadriana arce
Instrumenta publicæ securitatis.
ANN. DN. M. DC. XXXII. Pontif. IX.

AD SINISTRAM,
PANTHEON,
ædificium toto terrarum orbe
celeberrimum,
Ab Agrippa Augusti genero
Impiè Iovi cæterisque mendacibus Diis,
Bonifacio IV. Pontifice
Deiparæ & SS. Martiribus piè,
dicatum,
VRBANUS VIII. Pont. Max.
binis ad campan. æris usum,
turribus exornavit &
nova contiguatione munivit.
AN. DN. M. DC. XXXII. Pont. IX.

INSCRIPTIO MUSÆI ET PINACOTHECÆ, QUÆ
extat aquis Sextiis, Aix, in Provincia
Galliæ, in ædibus Domini Borillii.

Quisquis huc ingredi
aggrederis,

Siste tantillum gradum & quod te paucis volo
si lubet ac licet lege.

Ab orbe magno in parvum jamjam ingrederis,
at ne appete Mercurii talaria, uno passu totum
intervallum ac iter est. Argo tamen oculos invide
ut invita videas & invidenda. Hic enim se in avibus
Cælum; Aqua in piscibus; In animantibus terras;
In omnibus ignis includere amaverunt. Hic quod
natura seu ingenii, seu erroris miraculo fudit,
quod ars Dædala defudit, commendavit fortitu-
do; Antiquitas extulit; tulit majestas, conge-
stum digestumque momento aspicias & suspicies. Diu:
atque ut semel dicam, hic rarum est nihil, ubi rara
sunt omnia. Nisi si hoc unum tibi rarum est.

Parvi hujusce orbis
Bonifacius Borillius,
magnus est opifex
& Rector unus.

Iam quo abibis hinc? Tertium an quire orbem
aut ne hinc abi. Hospes vale ac Sospes vive.

NEAPOL. IN AVLA MAGNA PROPE IMAG.
IVSTIT. CÆC.

Cum æterni tribunalis illud reum non habeat, quem injustè reus condemnat, restante Propheta, nec damnabit illum cum judicabitur ei: Caveant iudices & prudenter attendant, ut in causarum processibus, nil vindicet odium, vel favor usurpet, timor exulet, & præmium aut expectatio præmii justitiam non evertat, sed stateram gestent in manibus, lances appendant æquo libramine, ut in omnibus quæ in causis agenda fuerint, præsertim in concipiendis sententiis & ferendis, præ oculis habeant solum Deum, qui est laudabilis & gloriosus, per infinita sæcula sæculorum.

MASSILIIS AD PORTAM REGIAM, LOCUS EST RELICTVS
statuæ, quæ nondum adposita, hac addita
inscriptione.

PETRO Liberto Libertatis assertori, Heroi malorum
averunco, pacis civiumque restauratori, quod ejus auspi-
ciis ab infestissima Casali tyrannide patriam liberavit,
auctuarias Hispanorum è portu expulerit;
quod tandem Henrico IV. Regi Christianis ac semper
Augusto, urbem restituerit, & profligatis civibus liber-
tatem ominato nomine donaverit, hoc insigne statuæ
trophæum S. P. Q. M. decrevit.

In Palatio Consilii magni Venerorum.

Omnibus, qui Patriam conservarint, adjuverint, auxerint, certum est, esse in cælo de-
finitum locum, ubi beati ævo sempiterno fruuntur. Quod quidem in terris fiat acceptius,
quàm concilia cœtusque hominum jure sociati, qui Civitates appellantur, hac etiam in re-
ctores & conservatores cœlo profecti illuc revertantur. Aversamini igitur vitia, colite vir-
tutes: ad rectas opes animum sublevate, humiles preces in excelso porrigite. Magna vobis
est, si dissimulare non velitis, necessitas inclytæ probitatis, cùm ante oculos agitis Iudicis
cuncta cernentis.

In Sacello Palatii Florentiæ.

1. *Animo proprio iram furoremque sedare, atque restringere, magna Victoriosæque
fortitudinis est.*
2. *Quod non licet concupisci, non licet intueri.*
3. *Impunitatis spes, maxima peccandi illecebra, &c.*

Supra

Supra Tribunal Curiae Paris.

Excute manus ab omni munere : partes patienter audi : benignè responde : justè
judica.

Ibidem.

Parcere subjectis scit nobilis ira leonis ;
Tu quoque fac simile, quisquis regnabis in orbe.

In Pratorio Mediolanensi.

In controversiis causarum capitales inimicitiae oriuntur : fit amissio
expensarum : labor animi exercetur : corpus quotidie fatigatur : multa &
inhonesta crimina inde consequuntur : bona & utilia opera postponuntur :
& qui saepe credunt obtinere, frequenter succumbunt : ac si obtinent, com-
putatis laboribus & expensis nihil acquirunt.

Europa salutat Rodolphum II. Imp. Vienna.

In te, magne, mihi spes est magna, RODOLPHE,

Cesar ades rebus tuq, Deusq, meis.

Afflicta mea fata vides : afflicta sed oro

Sis memor Europa per mea fata tua.

In Palatio Parlamenti Parisiensis.

Facite judicium & justitiam ; quòd si non audieritis hoc, in me juravi,
dicit Dominus, quòd deserta erit domus hæc. *Jerem. 22.*

Videte iudices, quid faciatis ; non enim hominis exercetis judicium,
sed Dei. & quodcumque judicaveritis, in vos redundabit. 2. *Chron. 19.*

In domo Tournelle dicta, Parisiis, quò vulneratus Rex Henricus II. de-
latus erat, (qui post nuptias filiae, Genevam, ut hæreson lacunam delere in
animo habebat) hæc exstat inscriptio unà cum historia :

SAVL SAVL, QVARE
ME PERSEQVERIS ?

Cathedra, in qua coronantur Reges, Londini ;
sub qualatet lapis cum hac in-
scriptione.

Si quid habent Veri Vel Chronica sana fides Ve,

Clanditur hac Cathedra nobilis ecce lapis.

Ad caput eximius IACOB quondam Patriarcha

Quem possit cernens numina mira poli.

Quem tulit ex Scoltis spoliatus Victor honoris

EDVARDVS primus Mars Velut armipotens.

Scottorum domitor noster Validissimus Hector,

Anglorum decus, & gloria militia.

In Arce Regia Woodstocke ELISABETHA Anglia Regina, a Maria sorore captiva detenta, cum in maximo Vita Versaretur discrimine, carbone rhithmos hos Anglicos a se compositos fenestra lignea propria manu inscripsit.

Oh fortune thy Wrestling wavering state,
Hath franght with Cares my troubled witt;
Whese wittnes this present prison late,
Could beare where once was joy sloune quitt,
Thou causedst the guiltle to be losed,
From bandes wehre innocents wehre indosed
And confed the guiltles, to be referned.
And freed these that death had Vuell deferned
Butt allhereni canbe nothing Vuronghle,
So God send to my foes althey have tongle.

Elisaberthe the prisonner. 1555.

H. E.

*O fortuna, tuum semper Variabile numen
Imple&it curis animum mordacibus agrum;
Carcer hic est testis, qui gaudia cuncta remouit;
Sapè terris miseros tentasti solvere sinclis,
Et serbare tibi innocuos justissima cura;
Sed tamen inde tuo fallaci fidere sento
Nulli consultum puto; nam mutaris in horas.
Tandem Iosa Pater, qui seruantissimus equi,
Et scelerum Sindex es justus, telaretunde
In me missa, meis inimicis lance repende
Aequa, sic Videam propriis contraria Fortis.*

Elisabetha captiva Pt.

*In Regii Conclavis janua, Cracovia.
Digito compesce labellum. Occasionem nosce.
Nosce te ipsum. Tecum habita.*

In aditu Curia Genevensis.

Quum anno 1535. profligata Romani Antichristi tyrannide, abrogatisque ejus superstitionibus, S. S. Christi Religio hinc in suam puritatem, Ecclesia in meliorem ordinem, singulari Dei beneficio, reposita; & simul pulsis fugatisque hostibus urbs ipsa in suam libertatem non sine insigni miraculo restituta fuerit: Senatus Populusque Genevensis, monumentum hoc perpetuae memoriae causa fieri, atque hoc loco erigi curavit: quo suam erga Deum gratitudinem ad posteros testatam faceret.

In

In Curia Telamontana.

Oppida multa ruunt hostili everſa tumultu;
 At tibi non aries, non nocuere mina.
 Igne peris TELSPERG, incendia dira ſuborta
 Mœnia, Tempſa, domos, limina, teſta vorant.
 Quid Pater ignipotens alienis montibus erras?
 Nonne ſatis folles concitat Aetna tuos?
 Deſeris Aeoliam, ſpreta eſt Vulcania Lemnos,
 Incubat externo viſ tua ſavo loco.
 Bis octona dies, præter tria teſta, Novembris
 Urbem hanc exedit ignibus horridulis.

Anno Sal. 1487.

ROMÆ IN CAPITOLIO EO LOCI UBI FASTI.
 M. ANTONIUS ASCANI F. EABRICII N. COLUMNA.

Marſor. & Hernicor. Dux inſita inter Pium V. Pont. Max.
 Philippum Hiſpan. Regem Catholicum & Remp. Vene-
 tam ſocietatis claſſis Pont. Præſectus.
 De Tutcis Non. Octobr. ad Echinadas,
 Navalî prælio victis
 IOC. Navigis in poteſtatem redactis,
 demerſis, fugatis.

CHRISTIANOR. XV. Mill. in libertatem aſſertis,
 Hoſtium XXX. Mill. Cæſis. X. Mill. captis.
 Re optimè geſta & victoria omnium maxima
 mari parta. Ex S. C. & Pii V. Sum. Pont.
 authoritate more majorum prid. Non. Decembr.
 Anno à X. nato CIO. IO. LXXI.
 Triumphavit.

*Roma prope domum Mercatorum ad portus
 ruina quedam muri cum hoc Epigrammate.*

JULII CÆSARIS VACHERII,

Perdiſſimi homini infamis memoria,
 Qui cum in rempublicam conſpiraret obruncato capite,
 publicatis bonis, expulſis filiis dirutaque domo,
 debitas pœnas luit.

ANN. SAL. M. DC. XXVII.

gatis-
 cele-
 ſulſis
 culo
 per-
 De-

In

*Roma in Capitolio, eo loci ubi statua posita Alexio
Farnasio.*

THADÆO BARBERINO,

Prænestinorum Principi,

&

Summo Ecclesiasticarum copiarum Duci

Pristinæ Urbanae Præfecturæ gloriam,

Quæ pridem aberat ab Urbe

In Capitolium reducenti

Roma gratulans

Publicum grati animi monumentum

Ex S. C. posuit.

Anno M. DC. XXXI. d. XX. Septembr.

Petro Francisco Paulo,

Fabio Fano,

Petro Antonio Muto Coss.

Fabio Celso, Priore.

*Lapis repertus Panonii propè aventicum in templo &
translatus in arcem aventicum. Præfecto*

Dn. Antonio Stettlero.

D. M.

VALERIAE,

SECCÆ,

QUÆ IVCVNDÆ

VIXIT ANNIS LXV.

L. SEVERIVS,

MARTIVS IIIII. VIR.

AVG. MARTIVS,

F. C.

*Anno M. DC. LIII. D. IV. Novembr. in minor. Basil. in horto Cænobii
Clingenvall. effossa massa plumbea oblonga LX. circiter
librarum cum inscript.*

SOCIETAT. S. I. LUC. RED.

Anno M. DC. XXXIV. Marmor Romæ eratum.

PRO SALVTE DOMVS AVGVSTI

EX CORPORE PAVSANIORVM ET

ARGENTARIORVM ISIDI ET

OSIRI MANSIONEM,

ÆDIFICAVIMVS.

CIRCA LUG. BATT. IN AGRO VORBURGENSE REPERTUS

*est lapis quatuor plus minus pedes altus, duos circiter
 latus, unius crassitudine, erutus nimirum
 Anno MD. DC. XXIV. Jun. VII. spectante
 Thoma Segeto qui & primus exscripsit aique
 inde Vir Clariss. Ioachimus Morsus,
 in modum seq.*

I. O. M. SARAPI.

ISIDI. FRUGIFERO.

COELESTI. FORTVN.

BONO. EVENTO.

FELICITATI. LARI.

VIALI. E. GENIO.

LOCI. L. LVCRETIVS.

PAL. FAVSTINIAN.

D. LEGI. I. M. P. E. PRO SE

SVISQ. I. E. R. V. L. CONIAC.

Hæcce Mercator in Atlante pag. 212. explicat.

*Roma in area Vaticana in obelisco versus
 Hospitale Trium Regum.*

ECCE CRUX DOMINI,

FUGITE.

PARTES ADVERSAE,

VICIT LEO,

DE TRIBV IVDA.

MANTUÆ IN FORO.

*Qui virtute nitet, claris inscribitur astris,
 Sic homo fit fama non moriente Deus.*

IN PALATIO CAPITANEI BRIXIÆ.

*Hic locus odit, amat, punit, conservat, honorat,
 Nequitiam, pacem, crimina, jura, probos.*

IN FORO CREMENSE SUB IUSTITIA.

*Nec prece nec precio sto, sed libramine recto,
 Sceptrum æquitatis, ne cuiquam oppressio fiat.*

LUGDUNI GALL. INSCRIPTIO AULÆ ARCHIEPISCOPALIS,

Supra portam juxta insignia Urbani VIII. P.

Sugite Nectareo madidantia lilia rore,

Delicias pacis fugite pacis ayes,

Sinite pacificis volueres in floribus. Orbem

Nam condire suo lilia melle queunt.

*Quo alludentes quidam Papam rebus Gallicis plus æquo additum,
fore suspicari, hoc sparsere distichon:*

Mella dabit Francis. Hispanis spicula figet,

Spicula sed figens & vita & melle carebit.

In imaginem mortis, Ravennæ.

Excipit innumeros hominum brevis urna labores,

Et redit in cineres vita caduca leves.

In Phœnicem, ibid.

Securus moritur, qui scit se morte renasci,

Mors ea nec dici, sed nova vita potest.

In Pellicanum, ibid.

Magnus amor, permagna fides, quam-maxima virtus,

Alterius vitam morte parare suâ.

*In Vaticano Romæ depicta est cædes Amiralii Gallici,
facta in nuptiis Regis Navarra, cum hac
inscriptio.*

CASPAR COLIGNVS olim Amiralius accepto vulnere domum defertur
Gregorio XIII. Pontif. Max. M. D. LXXII.

In Armamentario Venetorum.

Felix ciuitas, quæ tempore pacis de bello cogitatur!

In Templo S. Mariæ Ferrariensi.

Quæ sunt, pro his, quæ non sunt: quæ si essent, pro his quæ cum sint,
non sunt que videntur esse, pro his quæ clam sunt, in causa sunt, ut, quod
estis, sitis.

In horto Ducis Mantuæ.

Plurimum facere, minimum loqui. Ignem gladio ne fodias. Tace,
quod taceri vis. Tempus nosce. Aura fave. Amor non imperatur. Si vis
amari, ama. Nec spe, nec metu. Feras, non culpes, quod mutari non potest.

Extra

Extra portam S. Mariae, Bononiae.

Si tibi pulchra domus, si splendida mensa; quid inde?
 Si species auri, argenti quoque massa? quid inde?
 Si tibi sponsa decens, si sit generosa; quid inde?
 Si tibi sint nati, si prædia magna; quid inde?
 Si fueris pulcher, fortis, divesve; quid inde;
 Si longus fervorum inserviat ordo; quid inde?
 Si doceas alios in qualibet arte; quid inde?
 Si faveat mundus, si prospera cuncta; quid inde?
 Si Prior, aut Abbas, si Rex, si Papa; quid inde?
 Si rotæ fortunæ te tollat ad astra; quid inde?
 Si felix annos regnes per mille; quid inde?
 Tàm citò tàm citò prætereunt hæc, ut nihil inde.
 Sola manet virtus, quâ glorificabimur inde.
 Ergo DEO servi, quia tot tibi provenit inde,
 Quot fecisse voles in tempore quo morieris,
 Hoc facias juvenis, dum corpore sanus haberis.

Ad S. Mariae, Senæ.

HERMES TRISMEGISTUS, contemporaneus Møysi. Susci-
 pite literas & leges ô Ægyptii. Deus omnium creator secum Deum fecit
 visibilem, & hunc fecit primum & solum, quo oblectatus est, & valdè ama-
 vit proprium Filium, qui appellatur sanctum Verbum.

Sub pictura sacrificii Abelis & Caini. Pisis.

ABELI.

Sacrum pingue dabo: non macrum sacrificabo.

CAINI,

Sacrificabo macrum: non dabo pingue sacrum.

In Palatio Veronæ, ad imaginem Justitiæ.

Vos omnes moneo, cavete nostrum

Numen ledere; sum severa vindex.

Placentia.

Multi nimum, nemo satis.

Non refert quâ, sed quò.

Genuæ.

Ne quid nimis, videto: ubique medium servato.

Quod excellat intus est quarendum.

Manè quid acturus: serò quid feceris.

P

In aditu Templi Franciscanor. Bergomi.
*Morti morte tuâ mortem moriendo dedisti,
 Est tua mors mortis, Christe, medela mea.*

Ante Hospitale Orphanorum, Faventiæ.
*Quos parentum paupertas, pudor & repulsi,
 Pietas hujus loci recipit.*

In Templo quodam prope Mansfeldiam clades Henrico V.
 Imp. à Lothario Saxone inflictâ cum hac Inscriptio-
 ptione extat :

*Anno milleno, centeno, ter quoque quino,
 Sylvam Welfonis perfundit unda cruoris.
 Sunt serè necati quadraginta millia quinque,
 Ipso nempe die Dionysii Martyris almi.*

Ita verò Henricus pœnam dedit tyrannidis in Patrem
 Henricum IV. quem imperio contra jus gentium
 eiecit.

*Vratislavia fastigium turris Elisabeth. altum 119. cubitos corruit in Sigil.
 Matthei Apostoli, hora 2. noctis, in qua ruina nemo
 præter selem læsus fuit. Inde talis inscriptio
 ad D. Elisabetha :*

*Mirabilis in altis Dominus.
 Collapsa est turris Syloë madefacta cruore,
 Pyramide hac nostra nemo cadente perit,
 Nam jussu Domini exceptam, cui gloria solis,
 Angelicæ molem deposuere manus.*

*Ad Caminum Bibliotheca Parmensis.
 Præcipua domus utilitas & pernicietas : IGNIS & LINGVA.*

*AVRELIAE IN GALLIA IN HORTO CAPVCINORVM,
 erectus globus solaris cum Quadrangulis
 XVIII. & triangulis VIII. in quo hac
 inscriptio.*

*Nos jours passent comme l'ombre,
 Personne n'en scait le nombre,
 Les temps qui court sans arrest,
 N'en regle point les espaces,
 La mort seule à toutes faces
 Peut marquer quelle heur il est.*

*Narbone in aula inferiori domus ARCHIEPISCOPALIS
 Seditur anno circiter M. DC. XL. è Verustiss. ruinis
 erutus lapis cum inscriptione sequenti.*

Imper. Cæsari M. AURELIO ANTONIO,

Aug. Pio, Felici. Arab. Adlalenico
 Parthico maximo, Britanico max.
 German. Max. Patri Patriæ,
 Narbonens.

*RAVENNAE ad S. Vitalem penes Ruffanorum,
 Monumenta.*

A re terrena	{	procedunt mille venena. requies remouetur a nocena. Sanctorum mens aliena.
De re terrena	{	non sit tibi gloria plena. non sit tibi plena crumena. tua mens non fiat amcena.
In re terrena	{	labor eminet atque cathena. nec lex nec juris habena. nihil est aliud nisi pœna.

Inscriptio Scholæ Palatinæ mediolanæ.

Quisquis es, otiosus seu negotiosus,
 suspice.

Oti hic locus est
 olimque fuit,

In quo Themidem & Suadas colas:
 hæc te virum, illa ciuem faciet,

bona bonum,
 Sed heic faciet, Veni,
 ut in otio negotiosus fies,
 in negotio otiosus,

ERICIUS PUTEANUS, C. R.

Prof. Eloq. & Historiog. regius,
 D. D. D. P. P. P.

Vido MAZENTA Præfecto Urbis,
 M. DC. V.

In Schola Budissina.

Prima bona mentis sit cura, sit altera morum,

Tertia literulas perdidicisse bonas.

Quæ virtute caret, non est doctrina putanda;

Et Christum ignorans, bellua totus homo est.

Inscriptio Musæi Monaviani,
Vratislaviæ.

*Domino DEO nostro Iesu Christo, unico Regni sanctorum heredi, perenni
sua fonti: triumphanti mortis & victori: eternobeat-
tarum animarum hospiti S.*

Summa in his terris tum sapientia, tum felicitas est, posse quiescere, ac tua potius agere & propria, quam aliena. Deinde utraque fortuna, & sive sit agendum, sive patiendum, in DEUM potius, quam in homines respicere, & ab eo solo pendere. Mortem denique suam perpetuò sic meditari, ut peccatum potius fugiatur, quam illa nimis metuatur. Mundum præterea, quæq; sunt illius, despiciere simul & odisse. De vita perpetua magis, quam de hac fragili & caduca sollicitum esse: animæque curam gerere majorem, quam corporis, & ita sese comparare, ut anima prius læta libensque hinc in cælos evolare cupiat, quam è tabernaculo suo evocetur.

Villaci Carinthiæ in Templo ad S. Jacobi.

*Sub M. C. triplo quadraginta octo tibi dico,
Tunc fuit terræ motus, Conversio Pauli,
Subvertit urbes, Basileam, castraq; Villaci.*

Hamburgi.

Justitia sine prudentia multum ad fidem faciendam valet: sed prudentia sine justitia nihil.

In porta surdorum, Breme.

Respublicæ, post DEUM, nullo monumento tutiores sunt, quam virtute civium. Civis verò is est, qui sincerè patriam diligit, ac bonos omnes salvos incolumesque desiderat.

In ædibus Finckelthufianis, Lipsiæ.

*Mundi cum species pereat citò, gloriaq; omnis;
Quæ via dic vita Paule sequenda mihi?*

Paulus.

*Vive DEO, justè partis rectè utere, & hora
Quavis mortalem te simul esse scias.*

In vestibulo Scholæ Marianæ, Dantisçi.
*Hæc domus est Christo, studiisq; dicata juventa.
 Nemo sacrum violet dedecoretq; locum.*

Bryfaci, in arce.
*Hanc Dux BERCHTOLDVS portam struxisse notatur,
 A quo pro fraude Burgundia depopulatur.
 Circa annum Christi M. C.*

Friburgi.
*Anno milleno, centeno, bis quoq; deno
 Friburg fundatur, BERCHTOLDUS Dux dominatur.*

In Summo Templo Argentina.
 Vetustiss. Statuæ Fidei, Legem alloquentis, hæc
 verba tribuuntur.
*Mit Christus Blut überwind ich dich.
 Cui Lex respondet:
 Dasselbig Blut erblendet mich.*

*Inscriptio Maxima Campanæ Bernensis, cujus
 Diameter XII. Spitalium justarum.
 Divorum vanis servivi cultibus olim
 Scilicet sic voluit cæca superstitio.
 At nunc Christe tuo servire unius honori,
 Vera fides, Pietas, religioque jubent.
 An. M. DC. XL.*

*Placentiæ ante Hospitium Fame.
 Te vivo, Octavi, timeat quis Martis alumnos?
 Quis Cereri metuat, cui noceatque malus?
 Te duce tuta fides, Duce te stant roscida mella,
 Vel rigida quercus, te duce jura vigent.*

*Epigramma Bibliothecæ Medicæ curante conficit Cosma
 Medices Tuscorum Dux Magnus.
 Cosmus in has ædes meliora volumina rotas
 Transtulit, & primas quas habet orbis opes:
 Sic genuit tandem sterili de nomine Cosmus,
 Rem tibi tum mundo cœlitibusque parem.*

Inscriptio Auditoris Theologici Heidelberg.

Discamus in terris, quorum scientia perseverat in caelis. Hieron. ad Paulinum. c13 Ioc.
In Curia ibid.

Qui consilium dat, praestare fidem, non eventum debet.

Die Obrigkeit an seine Statt
Auf Erden Gott verordnet hat:
Dass sie ein jeden Recht verschaff/
Die Frommen schütz / die Bösen straff:
Und dass man ihr gehorch mit fleiß/
Wann nur nicht sund ist ihr geheiß.
Fridrich der vierdt des Nammens ist
In Churfürstlicher Hocheit sitzt.
Der glimpff ond ernst dermassen übt/
Dass ihn das Volck fürchtet vnd liebt.
Solch Regiment ist lobens währ/
Wol den Leuthen / den' s Gott beschert.

Museo suo Zacharias Ursinus hoc inscripsit.

Amice, quisquis huc venis,
Aut agito paucis: aut abi:
Aut me laborantem adjuva.

In horto cujusd. Nobilis Antverp.
Qui non mortalis fuerat, dum peccat in horto,
Perdit homo vitam justitiamque miser.
Pro nobis DEUS at factus mortalis, in horto
Et vitam Christus justitiamque refert.
Res miranda: omnis cum non ferat omnia tellus.
Proveniunt uno vitaeque morsque loco.

Inscriptio Nedis, qua totum orbem ambiit.

Prima ego velivolis ambiui cursibus orbem,
MAGELLANE novo te duce ducta freto.
Ambiui, meritoque vocor VICTORIA, sunt mi
Vela alæ; precium gloria; pugna mare. *Arnhemis in Geldria.*

IN AMBITV MONASTERII GERMANORVM BONONIÆ.

Siste gradum, specta monumentum hoc, quæso, Siator!
Quod pia quod cultrix legum Germana iussentur
Condidit, ut genti pateat commune sepulchrum,
Vt Germanorum Manes post sita quiescant,
Sacra Parentali capientes annua ritu.

M. D. I.

O quam fragilis (ΓΝΩΘΙ ΣΕΑΥΤΟΝ) fuit voluptas.

PATAVII

PATAVII IN HORTI MEDICI VESTIBULO.

- I. Portam hanc Decumanam ne pulsato ante diem Marci Evangelistæ nec ante horam XXII.
- II. Per decumanam ingressus, extra decumana ne declinato.
- III. In viridario scapum ne confringito, neve florem decerpito, ne semen fructumve sustollito, radicem ne effodito.
- IV. Stirpem pusillam, succrescentemque ne atrectato, neve areolas conculcato.
- V. Viridarii injuria ne afficiuntor.
- VI. Nihil invito præfecto attentato.
- VII. Qui secus faxit, ære, carcere, exilio, mulctator.

AVGVSTÆ, HOROLOGI ARCTOÆ TVRRIS INSCR.

*Signa, dies, horas, & æga sidera, lumina solis,
Hic typus ostendit, faciemque, imitat ar olympi.*

Lipsiæ, in adib. Hortor. Marci PFEIFFERI.

Heus tu quisquis in hæc furtim viridaria, reptas,
Ne continge tuâ; non tua poma, manu.
Sed tangis, video: faxit Deus ergo quod opto,
Cum malis nostris & mala nostra, feras.

*Aquisgrani, in foro erecta, qua I. Kalckberner à Carnificæ
in IV. partes dissectam exhibet personam,
Columna, inscriptio.*

Sic pereant,
Qui hanc Rempublicam,
Et sedem Regalem,
Spretis S. Cæs. Majestatis
Edictis
Evertere moliantur:
Addamnamam memoriam,
Johann. Kalchberner
In ultimo tumultu An. cio. Io. CX.
hic excitato,
Inter perduelles antesignan.
Columna hæc ex decreto
D. D. subdelegatorum S. Cæs. Majestatis,
erigi iussa,
III. Non. Decembris.
An. cio. Io. c. XVI.

FRAN-

Francisci Suertzi Biblioth. Inscript. Antwerp.

Quisquis es
hanc legem lege;
Herus & Heres edico tibi,
Musarum Apollinisque sacer hic locus,
multis clausus, paucis reclusus.
Si cum paucis vivis, sapi;
adepto, in esto,
Quoscunque libros qualescunque
spectabis inibi, liberè
tangito, legito.
Impressi nei perturbantor,
Manuscripti nei tanguntor
Ad tentare secus
capital. esto.
Visi, lective, electi placitive
Nei rogitantor; nei efferuntor:
Importunus si sies,
exesto, abito.
Ignotis, nullos, nunquam;
Amicis, rarò, paucos
dabo, vix dabo.
Legis qui temptor cluet:
Musarum Apollinisque hostis,
Sacrificator.
Apolini Musisque hostia
Ast audiri? fallenti me semel,
Perpetim CLUSIUS insisto.

Antwerp. Porta Regia ad Scaldim Inscr.

Porta Regia
Urbi muniendæ & ornandæ
Ex S. C. Pof.
Cui Tagus & Ganges, Rhenus, cui servit & Indus
Huic famulas gaudet volvere Scaldis aquas:
Quasque Proavo olim vexit sub Cesare puppes
Has vehet auspiciis, magne Philippe, tuis.

S. P. Q. Antwerp. hanc molem dedicabat VIII. Kal. Maji. CIO. LXXIV.

Inscr

Inscr. Dampontæ in advent. Archiducum Alberti & Isabelle, Gendæ in Fland.

Magni Principp. magnam subituri Urbem, salyete.
Piis conatibus, parvis apparatibus benigni,
fayete.

Si quid decens probate, si minus excusate,
Temporis Angustia, Cæli inclementia
clementer condonate.

Obsequium atque animi faventiam mage
quam Magnificentiam in re tenui nostra spectate.
Ita vos regat, ita vos tegat,

Qui nos qui cæteros Belgas vobis regendos,
Vobis regendos commisit propitius DEVS.

Ultrajecti inscr. columna.

*Accipe posteritas que post tua secula narres
Taurinis curibus fundo Solidata columna est.*

Bredembergæ in arce illust. D. HENRICI
RANTZOVII, Vicarii Regii

Inscr. Portæ.

*Si nihil ædificas, qui spectas nostra, Si ator
Aut mea ne carpas, aut meliora struas.
Si meliora tenos; id Diænos poscito mecum,
Ne, quod uterque tenet, fuscinet invidia.*

*Ibid ejusd. Seminar. Arbor. Inscriptio,
Cippo incisa.*

Anno Domini 1580. H. R. has, quas vides, quercus ordine plantavit,
abietes consevit, betulas in vallo distribuit, cæterasque arbores in hoc semi-
narium aliunde translatus, & fatas coluit, fossâque munivit, ac initium sa-
tionis ascribi jussit, eam ob causam, ut harum arborum ætatem explorare
possit posteritas, quam in omnia orbis secula æternæ divinitati commendat.

ALIA.

*Has ego consevi quercus, betulasq; parenti
In campo, propria, disposuique manu.
Et rogo ne temerè violet ledatve securi,
Post mea qui tandem fata superstes erit.
Scilicet ex illis, quos quercus duret in annos,
Posteritas facillè discere sera potest.*

LIPSIANI HORTI IN IPSO ADITU, SUB PERSONA IANI B. F.

Quisquis es, *stalege*, PARE

JANUS ad hoc limen sic EDICO.

1. Horto & Hero fruendi tibi jus esto:
Sed illo, ad aspectum: isto ad sermonem.
Nisi oculis quicquid heic satum aut natum, ne
LIBATO.
Tiro esto, manum apud te habeto.
Si effers ad tactum aut ad raptum:
Verbo dicam te EFFERTO.
2. Sed nec Hero usque quaque frutor.
Ante sextam vespertinam ne adito:
Post septimam ne maneto.
Horæ aliæ ad illi curas.
Heic cogitat, heic pangit:
STILUS heic est. abi musca:
Quid si & Cœna? abi musca.
2. Sermones etiam ne exleges.
Jocari licet:
Rogare licet,
Sed nihil serium.
Gratiarum hic locus est.
4. Si quid amœnius tamen in studiis
Inter ambulandum
Differe, doce, disce.
Et Musarum hic locus est.
5. Tu qui seriosus,
Tu qui rixosus,
Exeste.
Clusius ego sum vobis.
Canis, præter unam, emaneto.
Hecuba, præter unam, emaneto.
Habes? hoc etiam,
Quoquo te agis, te videbo.

HEN. RANZOV. de Bibliot. sua decretum perpetuum.

Quæ infra scripta sunt hunc in modum sancita
sunto, inviolateque observantor.
Rantzovii, ne quisquam alius, hanc possidento,
Hæredes eam non dividunto,
Nemini libros, codices, volumina, picturas,
Ex ea auferendi, extrahendi
Aliove asportandi,
Nisi licentia possessoris,
Facultas esto.
Si quis secus fecerit;
Libros, partemve aliquam abstulerit,
Extraxerit, clepserit, rapserit,
Concerpserit, corrupserit.
Dolo malo:
Illico maledictus,
Perpetuo execrabilis,
Semper detestabilis,
Esto, maneto.

Lugduni.

*Miraris dorso Cancri consistere Mundum?
Desine; sic hodiè verritur orbis iter.*

In domo Mercatorum Germanorum
Londini.

*Aurum blanditiæ pater est, natusq; dol oris.
Qui caret hoc, mæret: qui tenet, hic metuit.*

Supra Auditorium Artium liberalium,
Oxoniz.

*Grammatica.
Literas discæ.
Dialectica.
Imposturas fuge.
Rhetorica.
Persuadent mores.
Arithmetica.
Numeris omnia constant.*

*Musica.
Netibi dissideas.
Geometria.
Cura quæ domi sunt.
Astrologia.
Altiora te ne quæsieris.*

Zu Murtten.

*Diß Gebein ist der Burgundischen Schar/
Im vierzehn hundert/ sibenzig vnd sechs Jahr/*

EXOT. INSCR.

Vor Murren durch die Eidgenosschafft
Erlegt/ mit beystand Gottes krafft.
Vff der X. tausend Rittern tag
Geschahe diese grosse Niederlag.

Aventicanum Monument. zu (Wissiburg.)
IMP. CÆSARI VESPASIANO

..... E
..... S
..... S

Ibidem.

..... Legato Imp. Cæs. Nervæ Aug. Germ. Leg. xvi. Flaviæ Fir-
mæ & Legato Imp. Nervæ Trajani Cæsar. Aug. Germanici Dacici Leg. vi. Fir-
mæ sodali Flaviali Prætori ærarii militaris, Legato Imp. Nervæ Trajani Cæ-
saris Aug. Germanici Dacici, provinciæ Lugdunensis Consuli, Legato Imp.
Nervæ Trajani Cæs. Aug. Germanici Dacici ad census accipiendos Colonia
pia Flavia constans emerita Aventicum Helvetiorum federata patrono.

In Sicilia Pataq. in pago Arquato
In Petrarcha Fontem inscripto.
Fonti nomen inest, hospes venerare liquorem!
Vnde bibens cecinit digna Petrarcha Diis.

In foro Tiberii, (zu Zurzach.)

..... M. F. VOLT. CERTO Danovien. Veteran. Mil. leg.
xiii. geminæ & Amianthus hæredes fecer.

Badens Helvetiorum.

Imp. Cæsari. Divi. Nervæ. F. Nervi. Trajano. Aug. Germ. Pont. Max. Trib. pot. Cos.
II. pp. Def. III. M. P. LXXXV.

SOLODVRI.

In Celtis nihil est SOLODVRO antiquius, unis
Exceptis Trevisis, quorum ego dicta soror.

H. E.

Kein älter Platz in Gallien ist/
Dann Solothurn in dieser fest/
Aufgenommen Trier allein;
D'rumb nennt man sie Schwestern g'mein.
Dieser Thurn gebawt war ohn gefahr/
Vor Christi geburt fünffhalb hundert Jahr.

Ibid.

Ibid.

Dea Epona Maxima Opilius Restio Miles Legionis xxii. Antoniana
 p. p. f. immunis Cos. Curator Salens. vico Salodoren. d. xii. Kl. Septemb.
 D. n. Antonino Aug. II. & Sacerdote II. . . . Cos. v. f. l. m.

Zu Königsfelden/ bey der Bildenuß Leopoldi

Erz Herzogen/te.

Diß ist die abcontrasierung Herzog Wilpolds von Oestereich / der zu Sem-
 pach mit dieser seiner Ritterschafft / Adel / vnd Rähren erschlagen ist worden /
 auff dem feinen / in dem feinen / vnd vmb das sein / auff S. Cyrillen tag / im xiii.
 hundert vnd lxxx. Jahr.

Imp. Cæs. G. Aure. Val. Diocletian. Sar. Max. Perf. Max. Trib. Pot. xi.
 Imp. Imp. Cæs. M. Aur. Val. Maximilian. Max. Perf. Max. Trib. Pot. x.
 Imp. viii. Cos. . . Nual. Constantinus. Et Gal. Val. M. Cæs. Murum Vito
 durensem. A. S. Cur. Aurelio. Proculo. V. C. Pr.

Constantia extat.

Porta Petrea in monte Iurasso inscriptio.

NUMINI AVGVSTO

VIA FACTA PER

Q. VRSVM PATERIVM

II. VIR. COL. HELVET.

Eam Munsterus aliorum fortè relatione sic exponit:

Numinis Augusti via ducta per ardua montis,

Feliciter petram scindens in margine fontis.

*Hamburgi in Templo Cathedrali anigma lapidi sepulchra-
 li incisum:*

O Mors, Cur, Deus, Negat, vitam,
 super

Be, Te, Bis, Nos, Bis, Nam.

Canon,

Ordine da primam mediæ, mediamque sequenti,

Debita sic nosces fata, superbe, tibi.

Ita igitur resolvitur.

O superbe, Mors super te, cur superbis? Deus super
 nos, negat superbis, vitam supernam.

ROMÆ IN MONTE IORDANI.

Fandit aquam Eridanus, Phaëton ruit aethere ab alto,
Temperat iste sitim, temperat iste animum.

Neapol. in S. Maria, in aditu Caverna montis Paustipi,
vulgo à piè di Grotta, Christus in Cruce
ad mortalem.

Virginis intactæ partus, celsique tonantis
Unicus, ut vivas pertulit ipse mori.
Ibidem.

In mundo spes nulla boni, spes nulla salutis,
Una salus, servire Deo, sunt cætera fraudes.

Asisii ante Hospitale.

Hospes ades fessusque pio succede cubili,
Hoc Pelia gentis Patriæ munus habet.

In Horto quodam, Neapol.

Exercitium est vitæ humanæ conservatio: caloris naturalis lima: excitatio dormientis: naturæ virtutum corroboratio: superfluitatum consumptio: ocio inimicum: temporis lucrum: juventutis debitum: & senectutis gaudium. Ille ergo solus ab exercitio abstineat, qui utriusque sanitatis beneficio vult carere.

Musæi sui parieti inscribemat hæc Pragâ discedens

FRIDERICUS WIDEBRAMUS

Naumburgensis, exul.

Hic studiis miscere preces lacrymasque solebam,
Tristis in exilio cum WIDEBRAMUS eram.

Solus eram, nec eram tamen illo tempore solus,
Quando suo mecum numine Christus erat.

Liber ab exilii dimissus carcere, tandem
Rursus in exilium triste profectus eo.

Patria terra vale, cælestis patria salve,
Qualibet est forti patria terra. Vale.

Bonon.

Bonon. ad Effigiem Christi in S. Dominico.

*Aspice quanta fuit pietas & cura parentis
Humani generis, cui sua cuncta dedit.
Verbera, verba tulit patienter, vulnera quinque,
Et tandem mortem, mors fuit ipsa crucis.*

INSCRIPTIO EMPOR. AMSTELREDAMENSIS.

*In publicum Negotiantium cujuscunque
Nationis ac Linguae usum, Urbisq; adeo
sua ornamentum A. clo Io cxiii.
xviii. Mal. A Solo exstrui
curavit.*

Quicquid habet Ganges, & dives America quicquid,
Quas & opes mittunt Arabes, Indi, Africa, Seres,
Per Maria & terras ad publica commoda gnarus
Destinat huc Mercator, Iber, Schyta, Gallus & Anglus,
Cuncti adsunt, totumque tenet vacua area Mundum.

TAURINI IN SENATU CONSPICIUNTUR.

Non Astrea Polos petiit, nisi dixeris ipsos
Huc venisse polos: namque hac justissima tellus.
Cuique suum reddit, discernens praemia poenis.

Dialogus Philosophi & justitiae ibid.

- P. Quae Dea? Justitia. P. at cur torvo lumine spectas?
I. Nescia sum flecti nec moveor lachrymis.
P. Unde genus? I. Caelo. P. Qui te genuere Parentes?
I. Mi modus est genitor, clara fides genetrix.
P. Aurium aperta tibi cur est altera, & altera clausa est?
I. Una patet justis, altera furda malis.
P. Cur gladium tua dextra gerit? cur lava bilancem?
I. Ponderat haec causas percutit illa reos.
P. Cur sola incedis? Quia copia rara bonorum est.
Hac referunt paucos saecula Fabricios.
P. Paupere cur cultu? I. Semper justissimus esse
Qui cupit, immensas nemo parabit opes.

Inscriptio

*Inscriptio Marmoris Quadrato, in via qua ad
Vesuvium ducit, incisa.*

Posteri, Poster!

Vestra res agitur,
dies facem Praefert diei nudius perendino,
advertite!

Vicis ab ortu solis, n̄i fabulatur Historia
arsit Væfuvus,

Immani semper clade hæsitans iam:
ne posthac incertos occupet, moneo.

Vterum gerit mons hic

Bitumine, Alumine, ferro, Sulphure, Auro, Argento.

Nitro, aquarum fontibus, gravem,

Serius, Ocyus ignesceet, pelagoque influente pariet,

Sed ante parturit.

Concutitur, concutiturque solum,

fumigat, corruscat, flammigat,

quatit acrem;

Horrendum immugit, boar, tonat, arcet finibus accolae,
emica dum licet:

jam jam enititur, erumpit, mixtum igne la-
cum evomit,

Præcipiti ruit ille lapsu feramque fugam præ-
vertit,

Si corripit, actum est peruncti,

Anno Sal. M. DC. xxxi.

xvi. Cal. Ian.

Philippo IV. Rege,

Emmanuele Fonseca & Zunica comite montis Regii

Prorege:

Repetita superiorum temporum calamitate,

Subsidus calamitatis,

humanius quo munificentius;

Formidatus servavit, spretus oppressit incautos

& avidos

quibus Lar & Suppelles vita potior.

Tum tu si sapis, audi clamantem lapidem,

Sperne larem, sperne sarcinulas, morâ nulla fuge.

Antonio Suarez Messia Marchione

vice Praefect. viarum.

FINIS EXOT. MONVMENT. ET INSCRIPTIONVM.



Opere perfecto demum, sequentia ad me transmissa fuere, quæ in honorem
Illustris. à sexcentis jam annis florentis. Equest. Ordin. orbeque celebratis. famil.
SALICÆ adjicere, & quamvis loco debito carere ac in calce cubare
cogantur, nullatenus omittere debui.

An. 1626. 31. & 38.

Bizers.

Hier ligen begraben die Kinder Herren WOLFFEN von SALZ/ Ritter
des Ordens St. Iago, alten Landvogts der Herrschafft Neuenfeld/ vnd dieser zeit Land-
amman der 4. Dörfferen / welche Er ben seiner lieben Hausfrauen / Frauen HORTEN-
SLA von SALZ erzeuget.

ELIXA / starb den 19. Junii des 1626. Jahrs / als sie 9. Jahr vnd
7. Monat alt war.

HEXELLES / ist an der Pest verschieden / Anno 1631. den 6. Julii / seines alters
15. Jahr 9. vnd ein halben Monat.

WILHOLMUS / welchen auch die Pest hinweg gerafft den 6. Julii im 1631. Jahr/
vnd hatte seines alters 9. Jahr / 8. vnd einen halben Monat.


JOH-HEXELLES / verschied den 16. Jenner des 1638. Jahrs / seines alters
4. Jahr vnd 9. Monat.



An. 1646.

Bizers an der Kirchen.

Hier ligt begraben die Wol-Edelgeborene vnd Tugendreiche Frau/Frau HORTEN-
SLA von SALZ / weiland Herren Cavallier HERCVLIS von SALZ Eheliche
Tochter / vnd Herren Cavallier WOLFF von SALZ Ehegemahlin. Starb An.
1646. den 10. Julii / ihres alters 50. Jahr.



An. 1658.

Igis in der Kirchen.

CHRISTUS SPES UNICA MIHI.

Allhie ruhet seliglich in Gott die Wol-Edelgeborene vnd Tugend-erhabene Frau/
Frau VIOLANTHE von SALZ / Ihr Gnaden / Herren FeldMarschalck von SA-
LZ Eheliche Gemahlin. Starb den 8. May 1658. Ihres alters 66. Jahr / 3. Monat.

Hier ligt auch das Herz ihres geliebten Sohns / Herren Hauptman IOH. BAPTISTÆ
von SALZ / Ein Erv der Ritterschafft / so in einem Ausfahl vor Mardick in Flandren
Anno 1646. geblieben / seines alters im 26. Jahr. Sein Leichnam ruhet zu Chalanton
bey Paris; Gott der Herr verleihe Ihnen ein fröliche Auferstehung.

Tegit hic tumulus duo corda, quæ unum fiere
terram linquentes, in cælo unum manent.

Solz

An. 1659,

Solis in Pragalla.

C. S.

Verè Nobili, Castifs. dulcissimæque
Conjugi

HORTENSIAE à SALICIBUS

Quinque mens. cum novendecim dieb.

Fortunati amplexuum Conjugii

Sociæ,

Præmature cheu fato Morbenii

Ex ulnis meis ereptæ,

Inde huc Solium traductæ,

In hocce, donec læta resurgat,

reservata tumulo,

HARTMANNVS PLANTA de WILDENBERG

Solario suo corculoque orbatus,

hocce

Æterniluctus monumentum

C. L. P.

B. Ann. xix. Mens. x.

O. xxiiii. Martii. M. DC. LIX.



Errata sic corrigantur.

Fol. 6. l. 2. vivus. fol. 7. l. 36. Præceptor. fol. 12. l. 11. externis. fol. 19. l. 18. conjunge. fol. 22. l. 14. Nominis. fol. 30. l. 36. humanitas. fol. 31. l. 19. cujus. fol. 33. l. 1. appone, *Ibidem*. fol. 36. l. 23. Æpini. fol. 40. l. 18. Regis. fol. 41. l. 11. Acceu & c. fol. 44. l. 14. Zachynto. fol. 45. l. 25. volat. fol. 47. l. 33. Hetruria. l. 34. duce. fol. 49. l. 26. tecum. fol. 51. l. 21. cujus. fol. 51. l. ult. incomparabili. fol. 52. l. 29. Vicentinus. fol. 53. l. 1. Nobilitati. fol. 54. l. 5. M. D. XXCH. fol. 58. *dele* Epit. Carol. V. fol. 70. l. 13. fidei. fol. 72. l. 6. optimè. fol. 83. l. 2. Groningæ. fol. 87. l. 18. *dele* Malansii. fol. 90. l. 6. Lud. XIV. fol. 92. l. 25. tertio. fol. 106. l. 4. testante. fol. 109. l. 33. hominis. fol. 111. l. 6. atque. fol. 112. l. 8. addictum fore. fol. 113. l. 4. argenti. fol. 119. l. 5. decumanam. fol. 121. l. 29. translatas. fol. 128. l. 19. ærem.

